



REPUBLIKA E KOSOVËS
KUVENDI KOMUNËS - SHITIME
Komiteti për Politikë dhe Financa
Nr.01-060/01-7216/20 datë: 05.05.2020



Npi – 01/92 datë: 08.05.2020

Duke u bazuar në nenin 49 të Ligjit për Vetëqeverisjen Lokale, Nr. 03/L-040, si dhe në bazë të nenit 3.11 të Rregullores të Punës së Kuvendit dhe Komiteteve Npi – 01/149 datë: 31.05.2019, Komiteti për Politikë dhe Financa në mbledhjen e mbajtur më: 08.05.2020 nxjerr këtë:

E K S T R A K T
PROCESVERBAL

I MBLEDHJES SË -III- TË KOMITETIT PËR POLITIKË DHE FINANCA

E mbajtur më datën: 08.05.2020 (e premte) në ora 10.00 h. në sallën Nr.1 të Kuvendit

Në mbledhje kanë marrë pjesë: Kryesuesja znj.Medina Brahaj, pastaj anëtarët e Komitetit z.Perparim Ramusa, znj.Arbresha Sylja, z.Naim Zejna, znj.Zarife Rexhaj, z.Ruzhdi Jashari, dhe znj.Adelina Beqaj. Përveç anëtarëve të KPF-së në mbledhje kanë marrë pjesë edhe: Drejtorët, z.Halil Halili; Zyrtarja Kryesore Financiare, znj.Kimete Ukaj; Zyrtari për Informim z.Lulzim Sahiti; Zyrtari i IT-së z.Gazmend Ademaj. Mbledhjen e hapi, Kryesuesja e KPF-së znj.Medina Brahaj, e cila pasi përshëndeti të gjithë të pranishmit, konstatoi Kuorumin e mjaftueshëm për mbajtjen e mbledhjes. Për këtë mbledhje është propozuar ky:

REND DITE

1. Propozim-Vendim për rritjen e Kulmit Buxhetor, të vitit 2019 nga realizimi i të hyrave vetanake,
2. Propozim-Vendim për ndarjen e të hyrave të bartura nga viti 2019 në vitin 2020,
3. Propozim-Vendim për lirim nga taksa Komunale për personat juridik.

Kryesuesja, znj.Medina Brahaj; Para se të hap diskutimin për rendin e ditës tha: Për fat të mirë fazën më të rëndë të Pandemisë KOVID19 e kaluam, kështu që tani më jemi në fazën kur nuk ka të infektuar me korona virus. Por lus që edhe më tutje të kemi kujdes të shtuar sepse mund të rikthehet. Në vazhdim po hapi diskutimin për rendin e ditës.

z.Perparim Ramusa; Përshëndetje, një përshëndetje e veçantë për znj.Kimete Ukaj që u rikthye si Zyrtare Kryesore Financiare, të ciklës i uroj punë të mbarë. Unë e përkrahu rendin e ditës.

z.Naim Zejna; Përshëndetje, uroj mirëseardhje Kimete Ukaj, edhe po ashtu uroj që pandemia të largohet krejtësisht sa më parë. Ka pyetje nga qytetarët për drejtorin Halil Halilin, por do ti dorëzoj pyetjet.

z.Ruzhdi Jashari; Përshëndetje, unë i uroj mirëseardhje Kimete Ukaj, dhe uroj që ajo të jetë vetvetja. Te rendi i ditës, ne kemi procesverbal pse mos me e shti në rendin e ditës sepse dikur kur të hiqet Pandemia ne i harrojmë krejt. Unë e di që zyrtari i Kuvendit z.Idajet Rexhepi e ka punuar procesverbalin, pse mos me e shti në rendin e ditës.

Kryesuesja, znj.Medina Brahaj; Sqaroi, se ne kemi folë me MAPL-në dhe ata na kanë thënë se nuk, shqyrtojnë vendime tjera përveç atyre që kanë të bëjnë me financat. Kjo nënkupton se në rendin e ditës nuk mund të fosisim pika tjera përveç atyre financiare.

Kryesuesja, znj.Medina Brahaj; Konstatoi kuorumin prej 6 anëtarëve prezent në mbledhje.

*** Komiteti për Politikë dhe Financa, me 5 vota “Për” me 1 votë “Kundër” dhe me 0 vota “Abstenim” aprovoi rendin e ditës.**

Pika 1

Propozim-Vendim për rritjen e Kulmit Buxhetor, të vitit 2019 nga realizimi i të hyrave vetanake
Kryesuesja, znj.Medina Brahaj; Fjalën për prezantimin e kësaj pike ja dha Kimete Ukaj.

znj.Kimete Ukaj, zyrtare kryesore financiare; Ju falënderoj për urimet që mi bëtë. Në vazhdim ajo tha se ne kemi propozuar këtë pikë të rendit të ditës me qëllim që me e rritë Kulmin Buxhetor për vitin 2019 me qëllim që ta hapim mundësinë për ti shfrytëzuar shumën e mjeteve financiare prej 21,248.40€ të grumbulluara nga të hyrat vetanake muajin e fundit të vitit 2019. Kulmi buxhetor me këto mjete do të rritet në 525,130.00€. Dokumentin e propozuar nga ekzekutivi e keni marrë me kohë dhe besoj e keni lexuar, kështu që nuk do ta zgjati më shumë por jam këtu për ndonjë pyetje eventuale,(shih dokumentin).

z.Naim Zejna; Mirë është që kemi rritje të të hyrave vetanake. Pyetje për ZKF-në, a është kjo ndarje e njëjtë me shumën prej 21,240.40€ ?

znj.Kimete Ukaj, zyrtare kryesore financiare; Po te ndarja është përfshirë shuma e njëjtë.

z.Ruzhdi Jashari; A janë në planifikim këto ndarje? Dhe pyetja tjetër Donacionet a janë të përfshira në këtë ndarje në shumën prej 525,130.00€?

znj.Kimete Ukaj, zyrtare kryesore financiare; Këto të hyra janë nga të hyrat indirekte, dhe nuk kanë qenë të planifikuara.

Kryesuesja, znj.Medina Brahaj; Konstatoi kuorumin prej 7 anëtarëve prezent në mbledhje.

*** Komiteti për Politikë dhe Financa, unanimitisht vendosi t'i rekomandoj Kuvendit aprovimin e Propozim-Vendimit për rritjen e kulmit Buxhetor, të vitit 2019 nga realizimi i të hyrave vetanake në shumën prej 525,130.00€.**

Pika 2

Propozim-Vendim për ndarjen e të hyrave të bartura nga viti 2019 në vitin 2020

Kryesuesja, znj.Medina Brahaj; Fjalën për prezantimin e kësaj pike ja dha Kimete Ukaj.

znj.Kimete Ukaj, zyrtare kryesore financiare; Prezantoi këtë pikë para KPF-së sipas shifrave në Propozim-Vendim. Dokumentin e keni të shkruar dhe ua kemi dërguar me kohë, nëse ka ndonjë pyetje jam këtu për tu përgjigjur, (shih dokumentin).

z.Naim Zejna; Te pozicionet 9 dhe 13 duhet me i bërë 9, 10 e mos me e humbë renditjen. Mjetet nuk janë të arsyetuara bashkë, mirëpo e rezervojmë të drejtën që në Kuvend me diskutuar më detalisht, për me qitë ndonjë projekt më konkret.

znj.Kimete Ukaj, zyrtare kryesore financiare; Sqaroi lidhur me pozicionin e performancës.

z.Ruzhdi Jashari; Po shihet që performanca në vitin 2019 nuk ishte në nivelin e duhur. Rreth 100.000€ i kemi nda për Pandeminë KOVID19 nëse hiqen këto po na mbesin edhe diqka mbi 130.000€ e të cilat një pakicë shkojnë te kapitalet ndërsa të tjerat te shërbimet dhe mallrat. E kuptoj që ka kërkesa të mëdha, por i ke qitë 6 pozicione te ky kod buxhetor. Këto janë vërejtjet tona.

z.Perparim Ramusa; Te kjo pikë pajtohem por jo edhe me mënyrën e alokimit. Po ndalem te projektet veq e veq, te Administrata i kanë ndarë 25.000€ kur e dimë që në shumicën e kohës janë mbyllur, Qerdhja është mbyllur, ndërsa te shëndetësia pajtohem. Kështu që unë propozoj që deri më 14 në mbledhjen e Kuvendit të mendojmë mirë, unë kisha propozuar që shumica të shkojnë në infrastrukturë.

znj.Kimete Ukaj, zyrtare kryesore financiare; Ne kemi një vendim të Kuvendit për ndarjen e 100.000€ për pandeminë KOVID19, ku thuhet që mjetet kthehen nga të hyrat vetanake. Te Subvencionet është bërë një ndarje për ndihmë fermerëve me një shumë prej 10.000€. Te shërbimet sociale nuk kemi pas mundësi me lëvizë shumë.

z.Perparim Ramusa; Meqenëse po del se 100.000€ për pandeminë i paskemi marrë hua, unë po pajtohem me këtë ndarje.

z.Ruzhdi Jashari; Ne e dimë që i kemi marrë paratë nga kode të ndryshme buxhetore si te administrata etj. ky pra është një arsyetim, por për sa i përket zhvillimit është te kapitalet. Kemi kodin e njëjtë edhe te pagat e që dmth. është i njëjti kod.

znj.Kimete Ukaj, zyrtare kryesore financiare; Është e vërtetë që janë në një program, por në dy kategori të ndryshme.

z.Naim Zejna; Atë që e pashë më parë te shëndetësia e kemi të njejtin kod, por siq thash më parë e ruaj të drejtën që në Kuvend me diskutuar më detalisht.

Kryesuesja, znj.Medina Brahaj; Konstatoi kuorumin prej 7 anëtarëve prezent në mbledhje.

*** Komiteti për Politikë dhe Financa, me 5 vota “Për” dhe me 2 vota “Abstenim” vendosi t’i rekomandoj Kuvendit aprovimin e Propozim-Vendimit për ndarjen e të hyrave të bartura nga viti 2019 në vitin 2020.**

Pika 3

Propozim-Vendim për lirimin nga taksa Komunale për personat juridik

Kryesuesja, znj.Medina Brahaj; Fjalën për prezantimin e kësaj pike ja dha Fitim Hoxha.

z.Fitim Hoxha, drejtor i DZHE; Pasi përshëndeti të gjithë të pranishmit, prezantoi këtë pikë duke e lexuar dokumentin. Propozim-Vendimin e keni marrë me kohë, nëse ka ndonjë pyetje, jam këtu për tu përgjigjur. Ju ftoj që ti rekomandoni Kuvendit për aprovim, (shih dokumentin).

z.Naim Zejna; Faleminderit për prezantimin. Te preambula duhet të shkruhet edhe për personat fizik e jo vetëm për ata juridik. Kam një pyetje për drejtorin se a ka ndonjë taksë tjetër që eventualisht ka mbetur jashtë pa u përfshirë me qëllim që mos me intervenuar prap?

z.Ruzhdi Jashari; Janë identifikuar 6 veprimtari që po lirohen nga taksat komunale, por siq e dini i kemi edhe auto-taksitë dhe autobusët që nuk është futur si kategori për tu liruar e që unë mendoj se edhe këta duhet të futen e pastaj të shkojë në Kuvend si rekomandim.

z.Halil Halili, drejtor i DSHP; Përshëndetje, unë desha ta jap një sqarim lidhur me pyetjen e Ruzhdiut. Ne sigurisht që e bashkëndejmë këtë gjendje të pandemisë bashkë me ta por realisht ne nuk kemi se si ti lirojmë dhe të ju ndihmojmë edhe këtyre, sepse ata për vendqëndrimet e tyre nuk paguajn kurrfar takse, përveq se vazhdimet të lejes së punës por ajo bëhet kur të vie koha e vazhdimet të lejeve varësisht nga personi kur e ka marrë ose kur e ka vazhduar lejen për herën e fundit. Kështu që këta faktikisht nuk kemi se si ti lirojmë.

z.Perparim Ramusa; E falënderojmë drejtorin për sqarimet që na i dha, kështu që unë pajtohem me Propozim-Vendimin, dhe do ta votojë.

z.Fitim Hoxha, drejtor i DZHE; Sa i përket propozimit të Naim Zejna, që të futet edhe për personat fizik, ne do ta përmirësojmë për mbledhjen e Kuvendit. Ky propozim është i analizuar mirë, kështu që kemi ndikuar aty ku kemi pas mundësi, sipas mundësis ligjore e që është bërë me rregulloren për taksat komunale.

Kryesuesja, znj.Medina Brahaj; Propozoj që ta ndryshojmë formulimin e kësaj pike dhe ti shtohet në fund edhe fjala “dhe fizik”. Në vazhdim Kryesuesja Konstatoi Kuorumin prej 7 anëtarëve prezent në mbledhje.

*** Komiteti për Politikë dhe Financa, unanimsisht vendosi që të ndryshohet formulimi i kësaj pike të rendit të ditës ku Propozim-Vendimt për lirimin nga taksa Komunale për personat juridik i shtohet edhe fjala “dhe Fizik”.**

*** Komiteti për Politikë dhe Financa, unanimsisht i Rekomandon Kuvendit aprovimin e Propozim-Vendim për lirimin nga taksa Komunale për personat juridik duke ja shtuar edhe fjalën “dhe personat fizik”.**

Pasi që diskutime tjera nuk kishte, Kryesuesja mbledhjen e përfundoi ne ora 10.58h.

Procesmbajtësi:
Idajet Rexhepi



Kryesuesja e KPF
Medina Brahaj